

NI FRANÇA NI ESPANHA PIRENÈUS SENS ESTAT

Uèi nos amassam sul pòrt de Salau per celebrar l'amistat entre catalan.as e occitan.as. A la frontièra de la Republica francesa e del Reialme d'Espanha, volèm aprofieitar d'aiceste moment per portar nòstre messatge a respècte del rapòrt entre l'occitanisme e l'Estat.

Per nautres l'**Estat** - qu'es una aplecha de gestion del sistèmi capitalista - **es lo responsable principal de la situacion lingüística actuala.** Ja coneissèm son istòria de negacion de la lenga nòstra a través sas leis, sa politica repressiva a l'escòla, o la sotmession de sos territòris administrats. Per centralizar lo Capital, es aquel Estat que va afavorizar d'unas regions puslèu que d'autras e concentrar çò mai del poder politic economic e cultural a 700 kilomètres d'aicí a París.

Uèi nombroses son los Estats **que nos vòlon preparar a una guèrra novèla.** Parlan de tornar dubrir a Salau l'anciana mina de tungstèn, material que s'emplega entre autre per far de bombas. Lo poder central vòl sacrificar la santat d'aiceste país despoblat amb la justificacion de promesa de trabalh.

Rapelem-nos consí Occitània foguèt vvejada de sos abitants, mobilizats de fòrça pels dos chaples mondials de 1914 e 1939. Rapelem-nos de la dictatura franquista, del nazisme e de la França de Pétain. Totes aqueles crimis son pas fruta d'un azard de l'Istòria o de la sola volontat de caps d'Estats beliquejaires, si-ben la realizacion de **la logica de competicion, de contraròtle, de dominacion racista e patriarcala inherenta a l'estructura estatala.**

Coma los maquisards qu'aicí passèron, nos opausam al masèl que nos prometon.

Es per aquela rason que nos es important de criticar lo rapòrt de l'occitanisme amb l'Estat. **Aqueste bota dempuèi quatre decennias quasi tota son energia a l'institucionalizacion estatala de la lenga d'òc**, a través las lutas per l'educacion, la preséncia pels mèdias, la sinhalizacion bilingüa, etc.

Pr'aquò tot aquò se mena al prètz d'una dependéncia fòrta a l'Estat que pòt decidir quand vòl de trencar las subvencions coma es a o faire ara. Ne resulta tanben **l'affaïquiment del moviment collectiu** que passa sovent aprèp l'individualisme de la professionalizacion. Fin finala aquela estrategia nos mena a **l'abandon d'un projècte social emancipator** que daïssa l'occitanisme un microcòsme enclaus sus se.

Mai d'un actor de la cultura occitana passon a dreita e mai a l'extrèma-dreita. Pièger, de gropes fascistas recuperàn l'occitanisme per distinguir çò que considèron los « franceses vertadièrs » dels autres.

Aquí es donc pas la solucion.

Contra la negacion de nòstras lengas e lo poder de mòrt dels Estats, contra la recuperacion racista de nòstras lutas, nòstras armas son l'auto-organizacion e la participacion a la lutas socialas portairas d'un avenir melhor. Per la revolucion dins Pirenèus e de pertot !

- Comuna! Tolosa, 2/08/26 comuna-oc@riseup.net insta @comuna_oc

*Puslèu : plutôt, més aviàt ; Dubrir : ouvrir, obrir ; Chaple, masèl : massacre
aplecha : outil ; vuejada : vidée, buidada ; contraròtle : control ; bota : il
met, dedica ; pr'aquò : cependant, tot i així ; affaïquiment : affaiblissement ;
enclaus sus se : refermé sur soi, tancat en sí*